



MEDIA RELEASE

BASEBETSI BA MEHLENG BA MMAENE BA LEMOSWA KA BATHAOTHI BA SENG MOLAONG BA TSHEPISANG HO THUSA KA HO BA BATLELA DITLHAPISO TSA SILICOSIS LE TB

14 Hlakola, 2022: Ho tliile tlhokomelong ya Tshiamiso Trust hore basebetsi ba mehlang ba mmaene ba ntse ba tswela pele ho ba mahlatsipa a bathaothi ba itlatlarietsang ka hore ba ka kgona ho ba thusa ka ho ba batlela ditlhapiso tsa bona tsa silicosis le TB.

Tshiamiso Trust e thehetswe ho thusa diketekete tsa batho ba nang le silicosis le TB ka ho ba batlela ditlhapiso tsa bona tse ba tshwanetseng, ka mora tumellano ya tefo e dipakeng tsa dikhamphane tsa dimmaene tse tshelela le akgente a mahlatsipa dinyeweng tse fetileng tsa silicosis le TB.

Ka bomadimabe, mamenemene a itlama ka hore a ka kgona ho thusa mahlatsipa ka ho potlakisa dikopo tsa bona ka ditefello tse itseng.

Tshiamiso Trust e batla ho tsebisa batho ba lokelang ho kenya dikopo tsa tefo hore dikopo le ditshebeletso di etswa ntle le tefo. Trust ha e amohela ditefello tsa dikopo le ditshebeletso tse amanang le dikopo. Mahlatsipa ha a tlameha ho lefa mang kapa mang ho ba thusa ka mokgwa ofe kapa ofe mabapi le kopo hobane ekeke ya potlakiswa ke mang kapa mang a ka thoko ho mokgatlo ka tlasa mabaka afe kapa afe. Tshiamiso Trust e hlahloba kopo ka nngwe ho latela ka moo e leng ka teng ebe ho nkwa qeto, mokopi a be a tsebiswa ka seqo.

“Re lakatsa ho tsebisa ba batlang ho etsa dikopo ka boqitolo bona. Ho kenya kopo ho Trust ha ho lefellwe mme ke Trust fela e ka hlahlobang dikopo ho lekola hore ebe mokopi a ka lefshwa,” ho rialo [Gugulethu Makhubo, motsamaisi wa dipuisano wa Trust].

Motjha wa kopo o molelele mme hangata o ka nka matsatsi a ka fihlang ho 180 (dikgwedi tse tshelletseng) ho tloha ha ho kenywa kopo ho fihlela ho nkwa qeto. Trust e a utlwisisa hore ke nako e telele mme e leboha bakopi bohle ka ho beha pelo sekotlolong ha dikopo di ntse di hlahlojwa le ho sebetswa.

Trust e kgothalletsa batho ba batlang ho kenya dikopo ho itjhebela ho <https://www.tshiamisotrusted.com/status-check/> ho bona hore na ebe ba na le dintlha tsohle tse hlokwang hore dikopo tsa bona di kgone ho atleha ho Trust. Ba ka etsa sena ka ho kenya dinomoro tsa bona tsa boitsebiso/Pasa tsa Afrika Borwa kapa nomoro ya mosebetsi ho bona hore na ebe dintlha tsa bona di teng ho lenane la dintlha la Tshiamiso Trust le ho bona hore ba ka kgona ho kenya dikopo ho Trust.

Bakopi ba hlokwang ho thuswa ho etsa sena kapa ho fumana lesedi la hore na ba ka kgona ho kenya dikopo kapa hore na ba ka ba le dikopo tse tsitsitseng ba ka founela call centre, mme ba tla tataiswa ho ya mehatong e latelang.

O ka itehanya le Tshiamiso Trust ho:

- 0801 000 240 bakeng sa Aforika Borwa
- 00 27 10 500 6186 ha o le kante ho Aforika Borwa

Ba ka boela ba emeilela ho: info@tshiamisotrusted.com

PHELETSO.